

**VENDIM**  
**Nr. 240, datë 20.4.2023**

**PËR NJË NDRYSHIM NË VENDIMIN NR. 350, DATË 19.4.2017, TË KËSHILLIT TË MINISTRAVE, “PËR TRAJTIMIN ME PAGË DHE SHITESA MBI PAGË TË PUNONJËSVE TË SHËRBIMIT TË MBROJTJES NGA ZJARRI DHE SHPËTIMIN”, TË NDRYSHUAR**

Në mbështetje të nenit 100 të Kushtetutës, të pikës 2, të nenit 4, të ligjit nr. 10405, datë 24.3.2011, “Për kompetencat për caktimin e pagave dhe të shpërblimeve”, dhe të pikave 1, shkronja “a”, dhe 2, të nenit 31, të ligjit nr. 152/2015, “Për Shërbimin e Mbrojtjes nga Zjarri dhe Shpëtimin”, me propozimin e Kryeministrit, Këshilli i Ministrave

**VENDOSI:**

1. Lidhja nr. 1, e vendimit nr. 350, datë 19.4.2017, të Këshillit të Ministrave, “Për trajtimin me pagë dhe shtesa mbi pagë të punonjësve të Shërbimit të Mbrojtjes nga Zjarri dhe Shpëtimin”, të ndryshuar, zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

2. Efektet financiare, që rrjedhin nga zbatimi i këtij vendimi, për vitin 2023, përballohen nga fondet e miratuara të kontingjencës, për vitin 2023.

3. Ngarkohen Ministria e Brendshme, Shërbimi i Mbrojtjes nga Zjarri dhe Shpëtimin, në nivel qendror, si dhe njësitë e vetëqeverisjes vendore, që kanë strukturat përkatëse të këtij shërbimi, për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrinë efektet financiare nga data 1 prill 2023.

**ZËVENDËSKRYEMINISTËR**  
**Belinda Balluku**

**Lidhja nr. 1**

**Struktura dhe nivelet e pagave për punonjësit e Shërbimit të Mbrojtjes nga Zjarri dhe Shpëtimin**

<b>Niveli</b>	<b>Grada</b>	<b>Paga bazë për gradë</b>	<b>Shtesa për natyrë të veçantë pune</b>
<b>1</b>	<b>2</b>	<b>3</b>	<b>4</b>
Niveli bazë	Asistent zjarrfikës	46 000	7 000
	Zjarrfikës	52 500	8 000
	Kryezjarrfikës	55 000	8 000
Niveli i mesëm	Inspektor zjarrfikës	64 200	6 000
	Kryeinspektor zjarrfikës	74 500	6 000
	Komisar zjarrfikës	97 500	6 000
Niveli i lartë	Drejtues zjarrfikës	108 000	
	Drejtues i parë zjarrfikës	120 000	
Niveli madhor	Drejtues i lartë zjarrfikës	131 500	